

Merito siquidem ambo reges illi longa dudum bellorum
convulsione ad invicem inimici, sed pace interveniente tandem
reconciliati²⁾ alter quidem de fidei integritate atque constantia,
alter de benignitatis clementia commendantur, quos a vir-
tutis habitu preteritarum discordiarum amara recordatio
minime deiecit, sed in dulcore amicitie ad finem usque
nobilitas animi consummarit.

Defuncto sane sicut premissum est Johanne rege Francie
Carolus filius eiusdem primogenitus dux Normannie re-
gnum paternum accepit et solutis regi Anglie pecuniis et
traditis terris pro liberatione patris in tractatu conventis satis
pacifice regnavit, pertulit tamen perturbationem non par-
vam in regno a nefanda congregatione latrunculorum il-
lorum, qui societatem sive campaniam se nominabant,
de quibus habetur supra. Cui quidem in regno Francie tam for-
titer convalescent et eorundem potentia per fautoriam
multorum de regno potentum, comitum scilicet et baronum,
qui cum ipsis in eandem societatem passim se sociaverant,
extiterat iam fortiter radicata. Postmodum aliquibus annis
decursis cum dicte societatis exercitus in regno Francie tumult-
uosa³⁾ insolentia contra rem publicam mala plurima peregit:
et, contulerunt se cum copioso armatorum exercitu ad
partes Normannie in finibus Alsarie residentes. Sed principes

²⁾ reconciliati *cod.* ³⁾ tumult. Francie *cod.*